

ICIKOLWE ABRAHAMU

 Ibuuku lya Kutendeka nakabili, chapitala 22, ukutampila pa versi 15, kibili tuleenekela nomba fye ukulanda pakashita fye akanono kibili elyo tutampe umulimo. Ukutendeka 22, ukutampila pa versi 15.

Kibili malaika wakwa SHIKULU aitile Abrahamu ukufuma mu muulu umuku walenga ibili,

Kibili atile, Ninjilapa Ine palwandi, efya sosa SHIKULU pantu iwe wacita ici cintu, kibili tawikatilile umwana obe, umwana obefye eka:

Ukuti mukupala Ndinokukupala iwe, kibili mukufusha Nkafusha ulubuto lobe nge ntanda sha mu muulu, kibili nge misensenga yaba palulamba lwa bembra; kibili ulubuto lobe lukekata impongolo sha mulwani wakwe;

Kibili mu lubuto lobe emo ifyalo fyongse ifya pe sonde fikapalilwa; pantu iwe wanakila ishiwi lyandi.

² We bulayo we, pantu iwe wanakila! Ukunakila eko Lesa afwaya. Cena pa muku umo calilandwa ukutila, “Ukunakila kwaliwamapo ukucila ilambo.” Ukunakila Shikulu kwaliwamapo ukucila ilambo Lyonse ilyo wingacita.

³ Ifwe natulungatana ne sambililo likalamba, munshita ino iyabushiku, *Icikolwe Abrahamu*, uyo uwaleitwa “taata wa Cicetekelo,” pantu ulya Lesa amupangile ena ubulayo bwakupyana isonde, no Lubuto lwakwe. Kibili cena kupitila muli Abrahamu emo ifwe, fwebali abafwa mu Kristu, twaba u Lubuto lwakwa Abrahamu kibili impyani pamo na Ena umwabela ubulayo.

⁴ Nomba, Abrahamu alifye umuntu uwabula icintu, tali icintu icaibela. Lesa tatalile mwita ena, ukukonkafye nefyalembwa amakumi cinelubali na-isano. Umukashi wakwe, uyo uwali nkashi yakwe citinka, pakuba ne myaka ya kufyalwa amakumi mutanda na-isano pali ilya nshita, bena bali abaice nganshi. Kibili ena ali ni ng’umba, kibili takwete abana. Lesa alandile ukupatuka ukwapwililika, ukwiipatula umwine eka ukufuma kwi sonde lya shala, kibili nokufuma ku bantu bakwe bonse, kibili nokufuma kuli balupwa bakwe bonse. Kwaliko icintu cimo icaibela ico ena aali nokucita.

⁵ Kibili lintu Lesa aleenekela iwe ukucita icintu icaibela, Ena afwaya ukupatuka ukwapwililika ukufuma kukutwishika ukuli konse. Iwe ufwile wafika pakunakila ukukalamba, ukunakila ico Ena alanda. Lesa afwaya ico cena. Iwe taufwile ukucitila munshila imbi. Kibili, nomba, Ena Lyonse apela

icakumwenako, kibili cilya ecali icakumwenako Cakwe, ica kupatuka ukupwililika ukufuma ku lupwa lwakwe lonse, kuli bonse balupwa bakwe, nafimbi ifyaba ngefyo, ukwenda ubwikashi bwa patukako ukuya kuli Lesa.

⁶ Imyaka iingi iyapitile, takwali icacitike, lelo mpaka Abrahamu aikatilile ukutwalilila. Ena tali uwatompoka. “Ena tafuminepo mukukana cetekela mubulayo bwakwa Lesa ukukana cetekela, lelo aali uwamaka, ukupela ukulumbanya kuli Lesa.”

⁷ Umwaka no mwaka, ilyo wena walepita, takuli ukutwishika abengi bakapumya baishile nokutila, “Abrahamu, taata wafyalo fyonse, bana banga abo ukwete nomba?” Ico tacamupunwishe ena. Tabakwete umwana, kibili Sarah alipitile panshita ilya, iya kukwataa abana, pantu, alipitilepo ukucilapo pa nshita yakuleka ukukwata abana, lelo nangu cibe ifyo Abrahamu acetekelé Lesa mumusango umo wine. Ena atampile ukupekanya kwa mwana, pantu alishibe kibili balimwebele mukupwililika ukutila Lesa tekuti apange ubulayo ubo Ena tenga tungilila.

⁸ U Lubuto Lwakwe lufwile lwatontonkanya icintu cimo cine. Temulandu nefyo cena cingamoneka ukukanaba icituntulu, ifyo cena cingaba icishili icacifyalilwa mukumoneka ku mano yacifyalilwa, cibe Lesa teti apange ubulayo ubo Ena tali umukalamba uwafikapo ukusakamana. Ifwe twacetekela cilya cine icintu cimo cine ileelo. Ulubuto Lonse ulwa cine ulwakwa Abrahamu lwacetekela icintu cimo cine. Temulandu nefya ponenamo, kwishiba kunga uko twalonganya pamo, fintu finga ifya citika, ifyo cena tacingaba ica cifyalilwa ku mano yacifyalilwa, ifyo cena cingaba icabuwelewele, ukucila, ku mano ayacifyalilwa, cena tacipangapo ubupusano bunono. Ngacakutila Lesa efyo alanda ifyo, nifyo fine. Kibili u Lubuto lwakwa Abrahamu lwikala pali EFYA SOSA SHIKULU. Ico ecipwisha cena.

⁹ Twasanga ukuti, pa myaka amakumi yabili na-isano ku ntansi, takwete abana. Kibili mpaka Lesa ena ali uwacishinka ukusunga ubulayo Bwakwe kuli Abrahamu, pantu Abrahamu acetekelé Lesa. Umulumendo umunono aishile moneka, umunono Isaki.

¹⁰ Nomba panuma umunono Isaki aishile moneka, nomba tulesanga ukuti Lesa amupele ukweshiwa pabili. Atile, “Uyu umwana...” Panuma yakukwata nomba mupepi ne myaka yakufyalwa umwanda umo nekumi limo na isano, nangu amakumi yabili, iyo Abrahamu akwete. Atile, “Ndefwaya iwe ubule uyu, umwana obe umo epela, nokumutwala ku lupili ulo Ine ndekulanga, kibili kulya ukamupele, pali ulu lwine ulupili, ukuba ilambo.” Mu mashiwi yambi, ukonaula icakushininkisha icili conse ico ena akwete icakuti ubulayo buli nokufikilishiwa. Ico kufumyapo ifintu fyacifyalilwa.

¹¹ Kibili Abrahamu atile, “Ine namupokelele ena nga umo uwafumine ku bafwa. Kibili Ine balinjeba mukupwililika ukutila Ena kuti amubusha ku bafwa.”

¹² Abo ebantu nomba u Lubuto lwakwa Abrahamu, pantu atufumishe Ena ukufumya ku bafwa. Ifwe twafwile ku lubembu nakukulufyanya konse. Kibili Ena Ewa cinjishe amano yandi, acinjishe amatontokanyo yandi, acinjishe icifyalilwa candi, acinjishe fyonse muli ine, Ena kuti acita ifyo Camusekesha. Conse ico Ena alanda, Ine nincetekela cena e Cine, kibili no Lubuto lonse ulwakwa Abrahamu lwacetekela icintu cimo cine.

¹³ Abrahamu, tali uwakukana nakila Lesa, abulile umulumendo munono. Kibili muli ulo lucelo, aebele ababomfi ukutila, “Imwe loleleni pano pamo ne mpongolo. Kibili umwana na Ine twalaya kulya ku lupili kukupepa, kibili ena atile ena na Ine tulebwela.” Oh, nimu nshila nshi ena ali nokucitilamo ico? Lintu ena aninine ukuya pamuulu wa lupili, ukonaula umweo wa mwana wakwe, cibe ena atile, “Umwana, umulumendo na Ine tulebwela.” Ena alishibe ukuti icintu cimo cifwile cacitika. Kibili taishibefye ifyo Lesa aali nokucita ico; ilyo talyali lipusho lyakwe. Ena aishibe ukuti Lesa alilaile ico.

¹⁴ Ico eco ifwe tufwile ukusakamana ukwishiba, Lesa alilaya ico! Cifwile ukuba shani? Ine teti myebe imwe. Lelo Lesa efyo alanda ifyo fine! Ena alinokutuma Yesu Kristu, umuku wa bubili, Ena ali nokwisa mumibele ya mubili. Akafwaya Abakwe Umwine. Kukaba imyaka ikana limo, ukuteka imyaka ikana limo pali lino isonde, pamo na Ena, pamo nababalubulwa. Ifyo efyo Ena alaile, kibili ifwe tulelolesha kuli ilya nshita ukufika.

¹⁵ Ena alaile ukundapa abalwele, ukubusha abafwa, ukutamfyia ifiwa. Ena alaile ukucita ico. Aba cimo cine mailo, ileelo no muyayaya. Munshila nshi? Nshishibe. Ena alaile ukucita ico! Ifwe twalicetekela ico; ico ecipwisha cena. Lintu umuntu acetekela Lesa, ena acetekela fyonse ifyo Alanda.

¹⁶ Kibili iyo eshila intu Abrahamu acetekalemo Lesa. Nomba bamwipwishe ukonaula icakushininkisha conse ukutila ubulayo Bwakwe bwingaolekeshiwapo, lelo bamwebele ukutila Lesa ali nokucita ico.

¹⁷ Nomba, tekupelafye Ena ubu ubulayo bukalamba, Ena abapele ku Lubuto lwakwe, pamo. Kibili pamulandu wakutila Abrahamu aali uwacishinka, kibili asungile i—i Cebo cakwa Lesa ico Lesa amulaile, kibili nokwishiba ukuti Lesa ali nokubusha umwana. Kibili tasungile umwana wakwe wine; lelo (Lesa) aali icakupashanya cakwa Lesa ukupela u Mwana Wakwe, ifyo nefyaba ngefyo; ngafintu asendele inkuni ku lupili, kibili nefyaba ngefyo; ngafintu Kristu ku ntashi asendele ilambo Lyakwe Umwine, ukunina ulupili kulya kwine uko Ena bamutanike.

¹⁸ Ifwe natwiluka ukuti muli ici, mukucita ici, cena casekeshe Lesa ukumona bwino ukuti Abrahamu amutememwe Ena ukucila pa fintu fyonse pe sonde, nangufye umwana wakwefye umo. Ena Amutemenwe ukucilapo paco umuntu onse engaland, umuntu onse engacita, ena atwalililepo ukutemwa Lesa apakalamba mukucetela i Cebo Cakwe.

¹⁹ U Lubuto lonse ulwakwa Abrahamu lwacetekela Lesa kwati ngefyo. Bena bacetekela Lesa. Kibili twalishiba ukuti cena casekeshe Lesa mucisuma nganshi icakutila ifi efyo Alandile pano ukuti, "Ulubuto Lobe lukekata impongolo sha mulwani. Ulubuto Lobe lukekata impongolo sha mulwani." Ibukisheni, ukuti ico ni EFYA SOSA SHIKULU. Ulubuto lwakwa Abrahamu lwa cetekela ico. Nga cakutila iwe uli u Lubuto lwakwa Abrahamu ulwine lwine, icicetekelo ico Abrahamu akwete muli Lesa, cili muli iwe. Kibili imwe mwalicetekela ukutila ifyo Lesa asosa, Lesa alasunga ubulayo Bwakwe.

²⁰ Kibili Ena alandile ico, nomba ibukisheni, Ena apangilefye ubu ubulayo kuli Abrahamu panuma Ena amupela ena ukweshiwa. U Lubuto lwakwa Abrahamu lufwile lwaeshiwa mukubalilapo, ukumona ngacakutila icine cine bena bacetekela i Cebo. Ibukisheni, inshilafye imo ena awfile asungilamo ubulayo bwakwa Lesa, pantu ena acetekele ubulayo bwakwa Lesa, kibili alyeshiwe nga cakutila ena acetekele Cena nangu iyo.

²¹ Tulaletwa kuli kulya kweshiwa. U Lubuto lwakwa Abrahamu, ileelo, naluletwu kuli kulya ukweshiwa. Ifwe tuli nokusenda i Cebo cakwa Lesa, nangu ifwe ukusenda ico umuntu alanda palwa Ico? Ifwe tulinokusenda ico akabungwe kapanga nge sambililo, kibili nokupokelela ico, nangu ukucita ico Lesa alanda? Nga cakutila i Cebo cakwa Lesa cacishinka, ifwe twacetekela i Cebo cakwa Lesa, temulandu nefyo icintu cimbi cili. Ifwe tuleka i Cebo ca mutnu onse ukuba icabufi, kibili ne cakwa Lesa ukuba i Cine. U Lubuto lwakwa Abrahamu ulwa cine! Lelo ikyo iwe taulati ukuba lulya u Lubuto ulwa cine ulwakwa Lesa, iwe ufwire ukupita mukweshiwa, kwati nga fintu Abrahamu acitile, ena palwakwe. Ena talailefye kuli Abrahamu, lelo u Lubuto lwakwe luli nokwikata impongolo sha mulwani. Oh, owe!

²² Tontonkanyeni fye, icikolwe cena calyebelwe palwa ico, mukweshiwa kwakwe ukwa Cebo cakwa Lesa, cali icalungama. Temulandu nefyo ifyo fyali, ena atwalililepo ukucetekela ukuti i Cebo cali icalungama. Abrahamu icikolwe cikalamba, tatalile asunkana mu cicetekelo, lintu aletelwe pali ilya nshita iyakweshiwa. Ena acetekele ukutila Lesa aali noku mufumya ena ukufuma ku bafwa. Ena acetekele cena, pantu Lesa apangile ubulayo. Kibili lintu Lesa apangile ubulayo ukutila ali nokuba "ali taata wamu fyalo fyonse," kibili ena acetekele ukuti

ukuti ico efyo cali nokuba. Ena taishibe ifyo cali nokuba. Ilyo umwana aishile, panuma yakutila ena acetekele, imyaka amakumi yabili na-isano, kibili aipushiwe ukonaula umwana, ena atwalililepofye ukwisha ukuti ubulayo bwakwa Lesa bwali ubwacine, kibili apele umwana wakwe.

²³ Ulubuto Lwakwe, incintu cimo! Ubulayo bwakwa Lesa cikakatikilo, kuli abo ababa u Lubuto lwakwa Abrahamu. Ubulayo cikakatikilo, ubunte ubwalembwapo. Kibili lintu twacetekele i Cebo conse icabulayo, nomba icikakatikilo capelwe kuli ifwe, ukushininkisha icabulayo naco. Mwamona, ngacakuti ifwe—ngacakuti ifwe fweba ba u Lubuto lwakwa Abrahamu, ifwe tulapula mu kweshiwa nangu ifwe tuli nokucetekela Baibele, nangula iyo. Baibele e Cebo cakwa Lesa, pantu Cena ni Lesa. Kibili panuma iwe wapita mukweshiwa, no kucetekela.

²⁴ Lintu abantu bamo batila, “Inshiku shafisungusho shalipita,” ngacakuti iwe wapokelela ico, ico cili icapusanako ku Cebo.

²⁵ Nga watila, “Iwe tawapokelela Mupashi wa Mushilo, ileelo. Takwaba icintu icaba ngefylo. Basambifye ikumi limo nababili ebapokelele Wena.”

²⁶ I Cebo calanda ukuti, Petro aleshimikila Cena pa Bushiku bwa Pentecosti, atile, “Lapileni, cila onse pali imwe, kibili noku batishiwa mwi Shina lyakwa Yesu Kristu pakwelelwa kwa membu, kibili muli nokupokelela icabupe ca Mupashi wa Mushilo. Pantu ubulayo buli kuli imwe naku bana benu, nakuli bonse abo abali ukutali, nangufye bonse abo Shikulu Lesa wesu aketa.”

²⁷ Ico cilifye bwino bwino ifyo Cena cipilibula. Cena, nomba ngacakutila uli uwaiteyanya ukusenda icakwesha, nangu Lesa ewacita cena ukweshiwa, kibili nokukonka cilya icalondololwa, Ndemweba imwe, imwe muli nokusanga ukutila Lesa alasunga i Cebo Cakwe, ngacakutila imwe mwacetekela Cena. Ico nacilungama. Lelo iwe ufwile ukupita muli ico, pantu ico ecikakatikilo; lintu iwe wa Cipokelela, nomba uli nokupokelela ubulayo. Pantu, Cena calembwa na Lesa, umusango tufwile ukucitilamo, kibili iyo enshila tufwile ukukonka Cena, ifyofye Ena alandile. Nomba tekuli bamofye, lelo “onse efye uyo,” onse uyo uwacetekela, onse uyo uwalapila, onse uyo uwacetekela. Cena niku nkulo shonse, kibili ku bantu bonse, kibili kuli onse uyo uulefwaya ukucetekela Cena. Kibili ukucetelela i Cebo cakwa Lesa ecileta iwe kuli ubu bulayo. Nomba, kibili nombafye, bushe kuti wakwata amaka ayakwikata icikakatikilo ca bulayo.

²⁸ Kibili ubulayo ubo iwe uli nokupokelela, icikakatikilo, elubatisho lwa Mupashi wa Mushilo. Ico nacilungama. Pantu ico ni Lesa mumibele ya Mupashi, ukuba i Cebo Cakwe muli

iwe, nomba elyo Ena aisa ingilamo. Nga cakutila wapokelela i Cebo muli iwe, Mupashi wa Mushilo ecintufye cimo ico ecipanga Ico ukuba ica mweo, kabilo nomba uli nokukwata ubulayo uwakukwata impongolo ya mulwani onse uyo uwaesha ukusansa iwe. Ico nacilungama. Lesa alaile ico, kabilo cena efyo caba.

²⁹ Nomba, ibukisheni, iwe kuti wacicitafye lilya line, kabilo nomba epelafye, panuma yakweshiwa ne Cebo.

³⁰ Abrahamu aeshiwe ne Cebo. “Iwe uli nokucetekela, Abrahamu, ukuti uli nokukwata umwana?”

“Ee.”

³¹ Umwana aishile. “Nomba monaule ena. Bushe ucili na ucetekela ico, Abrahamu?”

³² “Ine nincetekela ico, cibe, pantu Iwe uli nokumufumya ku bafwa.”

³³ Kabilo panuma yaico, Ena atile, “Nomba, u Lubuto lobe luli nokwikata impongolo ya mulwani obe.” Amen! Panuma yakweshiwa kwaisa!

³⁴ Nomba natufwailishe bwino pali shimo imbuto shakwa Abrahamu, mu lubuto lwacifyalilwa ulo. Ululi nokuba ileelo u Lubuto lwa bumupashi. Lelo natufwailishe, ukupitila mu lubuto lwa cifyalilwa, pali abo bambo abacetekete ubulayo bonse ubwakwa Lesa, nokukana ipusha ilipu- . . . [Tapali amashiwi pali tepu—Kale.]

³⁵ Nacitila, “Mukuba ifyo, cinshi ico umukashana umwina Kristu engafwaila ukulangisha skerti iya mukati kakwe iipi pamulandu wanshi? Ine kuti nafilwa ukukutuluka pali ico.”

³⁶ Imwe mwalyifalwa cipyaplya kuli Lesa, imwe mwalikwata ubusuma bwa Mupashi wa Mushilo ukulangisha ukuti ifyo mwaba, imwe mwaba. Imwe mwalikwata amaka ayo aya amasketi yabipa tayakwata. Ico nacilungama. Umwanakashi umwine mwine uwakwa Lesa, ico ciminina pamo na maka, imwe limbi kuti bamiseka, kabilo nokwitwa aba ma fashoni yakale; lelo imwe mwalikwata icintu cimo ico bena tabengekatapo, kabilo bena balilufya ico kabilo tabakatale abakwata ico nakabili. Ico nacilungama. Imwe mwalikwata amaka. Ico eco Lesa aloleshako, yena maka. Mwamona?

³⁷ Lelo icintu cakubalilapo, nga cakutila muli ilipusho mu mano yobe, taufwile ukucita ico nakalya. Taufwile ukwisa mu mulongo wabakupepelwa ngacakuti muli ilipusho mu mano yobe. Taufwile ukwisa kano naucetekela mukupwililika, mukukonkomesha, tamufwile mwaba ibimbi mu mano yobe, nakalya, lelo ifyo uli ulinokundapwa, nomba uli nokufumapo pali cino cintamba umuntu uwaundapwa. Ico nacilungama, lintu tamuli ilipusho mu mano yobe, nakalya. Iwe ufwile wacetekekela Lesa, tekuipanga uwacetekekela. Icine cine uwacetekekela!

³⁸ Kibili u Lubuto ulwakwa Abrahamu lwalicetekela, cena pantu i Cebo efyo calanda ifyo fine, kibili uyo wine emulandu twacetekela ico. Tepa mulandu wakuti umuntu nasusha, pantu umuntu umbi alandile ifyo. Pantu Lesa alanda ifyo, ico ecalenga ico ukuba Icine. Lintu Lesa alanda ico, ninshi ico capwisha amepusho yonse. Ena eshiwi lyakushalikisha. Ena ewaba icapwililika. Lintu Lesa alanda icili conse, ico ninshi capwa cena. Takuli nangu cimbi icingalanda ukulwisha Ico. “Ishiwi lyonse ilya muntu libe ilya bufi, kibili Ilyandi libe Icine.”

³⁹ Nomba ilyo tulebebeta shimo ishi imbuto, lekeni tutontokanye. Ifwe tutontonkanya pa bana baba Hebere, Ine pano, nikwata ukutontonkanya pali ico, pa bana ababa Hebere, panuma bena baeshiwe ukulola kukupepa ifimpashanya. Nomba, imwe muleibukisha, imfumu yatile, “Onse uyo uushakakontamine kuli ici icimpashanya, ena akaposwa mwilunga lya mulilo.” Nomba, aba bana bacetekele ukuti i Cebo cakwa Lesa caba icalungama, ukutila bena tabafwile ukupepa umusango onse uwa cimpashanya, lelo ilyo bena baissa mukui langisha kibili bena balyeshiwe ngacakutila kuti bacita.

⁴⁰ Lintu, bonse abana abashala kulya kwine bapokelele nokuya mukupepa, bena baile munshila imfumu yalandilemo. Bena baile netontonkanyo ilyaishibikwa bulya bushiku, ukutila bafwile ukucita ico.

⁴¹ Kibili lintu bena baeshiwe, nga cakutila kuti bapepa ifimpashanya kibili nokutoba i Cebo cakwa Lesa, bena baikele aba cine ku Cebo. Temulandu nefyacitike, bena baikele abacine ku Cebo. Kibili lintu babaposele bena mwilungu lya mulilo, ubulayo bwakwa Lesa bwaflikilishiwe. Baikete impongolo sha mulwani wabo. Kibili mwali u Muntu uwalenga bane uwaiminine mulya, nolufungulo ulwaiswile icikabililo ukufuma mu mulilo, kibili tacali nokucita icili conse lelo ukubakakula abantungwa. Ameni.

⁴² Lintu umwaume nangu umwanakashi aali uwaipekanya ukusenda ukweshiwa, asidi yakwese shako!

⁴³ Imwe mwamona, bena baingile mu mulilo. Kibili nomba lintu bacilile, bena bali mumulilo, kibili ne cintufye cimo ico icacitike, ici icakwesha mu mulilo cena caiswilefye, cabulile ifyakakilwe uku—ukufumya mu maboko yabo.

⁴⁴ Imiku iingi, Lesa alatuleka, lintu ifwe twakakwa konse pamo ne sonde, abakakwa, Alekelako icakwesha camu mulilo ukwisa pali ifwe, apo ifwe tufwile ukupanga ubusaloo. Kibili lintu ifwe twacita ifyo, icintu fye cimo icakwesha cingacita, lintu u Lubuto ulutuntulu ulwakwa Abrahamu lwaiminina pa—pa mansansa yamusebo wabusalo, kibili ena apanga ubusaloo bwa kubombela Lesa, cena kutifye caputula ifikakilo nokutulekelako ukuba abantungwa. Satana limbi kuti akupela ubulwele. Ena limbi kuti akupela icintu cimo, nacimbi. Kuti waishiba shani ukuti

tacifumine kuli Lesa ukupela kuli iwe pa mansansa yamusebo, ukumona musango nshi uwa—uwa—uwa busalo iwe wapanga?

⁴⁵ Bena baikete impongolo sha mulilo. Umulilo wafililwe ukuboca. Takwali nangu ukununka kwa mulilo pali bena, pantu bena balishibe ukuti bali Lubuto lwakwa Abrahamu, kabilis baiminineko Lesa ne Cebo Cakwe. Baikete i—impongolo sha mulwani, kabilis no mulilo tawabocele bena, pantu bena baikete impongolo.

⁴⁶ Kuntanshi, kwali umuntu, kasesema uwali kulya, uwe shina ly a Daniele. Ena ali... alikwete icakwesha ukwakuti ena kuti abombela Lesa umo uwa cine, nangu iyo. Kabilis lintu cena caishile fika pali ilya nshita nangula ena kuti abombela ulya umo Lesa uwa cine, nangu ukupepa lesa umusenshi, ena akene ukucita ico; kabilis kwaishileba ubupofu, kabilis alepepa kuli Lesa wakwe, cila bushiku; Kabilis asendelwe muli ico, ukupitila mukukandwa kwamafunde yabuteko bwa cikaya, kabilis ena aposelwe mu ninga ya nkalamo. Ibumba ly a nkalamo shaline nsala shalilile ukufwaya ena. Cinsi ico acitile? Aikete impongolo ya mulwani wakwe. Inkalamo shafililwe ukumulya ena. Lesa atumine Intumba ya Mulilo, Malaika uwaiminine pakati kakwe ne nkalamo.

⁴⁷ Aikete impongolo ya mulwani, pantu ena alyeshiwe ukumona ngacakuti ena kuti apepa Lesa umo uwa cine, nangu ukukwata amakumi yaba lesa abasensi ena ukubapepa. Eico ena acimfishe ukweshiwa, kabilis aikete impongolo ya mulwani. Inkalamo tasha mwiketemo ena, pantu Lesa aali pamo na ena. Ubulayo bwakwa Lesa bwaiminine ubwa cine, pantu ena aali Lubuto ulwa cine ulwakwa Abrahamu.

⁴⁸ Mose, oh, umbi umukalamba umo. Ena alyeshiwe, pamo, ukumona ubulayo ubo Lesa amupele. “Ine nkalaba pamo naiwe lintu iwe waya kulya kwine.” Kabilis lintu aiminine ku cinsos cabakapumya aba cabupe cakwe, Jannes na Jambres baeseshe ukwiminina nokupashanya cilya cine icintu ico Mose aebelwe ukucita. Kabilis Lesa aitile ena, kabilis ena alishibe ukuti ewali umo uyo uwali nokucita ici, kabilis ena aiminine palya nokucita ici sungusho nga fintu Lesa aebele ena ukucita ico. Kabilis pano paiminine bakapashanya, ukucita icintu cimo cine, lelo cena tacacitike ukusakamika Mose. Ena aiminine uwacine ku Cebo cakwa Lesa, kabilis aikete impongolo, ameni, isha mulwani, pantu aliminine uwa cine ku bulayo bwakwa Lesa, te mulandu uyo waleesha ukupashanya cena.

⁴⁹ We sambililo we kuli onse umwina Kristu! Lintu walolesha konse nokumona myalu myalu, iwe uwfilefyen ukwibukisha ukuti ena aleesha ukupashanya icintu icituntulu. Lelo, ico cilepilibula ukuti kuli umo uyo uwacine. Iminina uwacine ku Cebo cakwa Lesa! Temulandu neco caisa nangu ukuya, sunga ubulayo Bwakwe. Ee, Daniele aikele uwa cine ku Cebo cakwa Lesa.

⁵⁰ Temulandu nibanga baeseshe ukupashanya ena, kibili ne cintu cimbi, ena aikele uwa cine. Kibili aishile pa bwiminishi bummo, ukufumya Israeli mu Egypto, nokubatwala mu calo cabulayo. Kibili lintu cena caishileba inshita yabo iyakuya mu calo cabulayo, ukufuma mu Egypto, kwaiminine Bemba Wafwa munshila. Kibili ena aikete impongolo sha menshi, kibili ne mpóngolo shaiswike. Kibili na—na menshi yabwelele kunuma, kibili Mose atwele Israeli mu matololo, ku lupili uko Lesa amwebele ukubaleta bena. Ameni. Ena aikete impongolo sha mulwani.

⁵¹ Taata wakwe, Abrahamu, aali aali kwete bulya ubulayo, ukutila Lubuto lwakwe ulwa cine kuti lwaikata impongolo ya mulwani. Kibili ne mpóngolo sha menshi shalisalikwe, kibili ena afililwe ukupita, kibili ilya eyali inshila yamulimo. Ena aali nokuleta balya abana kuli lulya lupili. Ulo Lesa amwebele ukuyako. Kibili palya pa iminine impongolo mu nshila, kibili ena aikete impongolo ya mulwani.

⁵² Yoshua, ukuyako kuntashi panono, lintu bena baishile pa Kadesh-barnea, ico icali icipuna cabupingushi ce sonde pali ilya nshita, palya Israeli akumenye ubupingushi bwakwe. Tulemona Yoshua na Kalebu, nabambi ikumi limo nababili bambi...nangu—nangu bambi ikumi. Cila umo ukufuma muli cila mutundu batuminwe ukuya mukulengula icalo ico bena baali apaipekanya ukupokelela.

⁵³ Kibili lintu bena bamwene yalya amapaka yakalamba nayeminina palya, balya ikumi pali bena baumfwile ububi nganshi, bena batile, “Ifwe tekuti tucikwate cena. Cena nacikulisha apakalamba. Mulandu nshi, lolesheni pali bakalwisha abo tukwete.” Lelo lintu bena babwelele ukuleta ulusebo, baletele ulusebo lwabipa.

⁵⁴ Mulandu nshi baletele ulusebo lwabipa, ngacakutila Lesa ewabebele bena ukuti, “Ni mipela cilya calo; cena cenu”? Ena abebele bena mulya mu Egypto, “Ine nimpela imwe ici calo, cena calo icisuma, cena cilefumfumuna umukaka no buci.”

⁵⁵ Lelo lintu bena bamwene bakalwisha ukuba abakalamba nganshi, ikumi limo pali bena babwelele no kutila, “Ifwe tekuti tucicite cena.”

⁵⁶ Cena cali ni Yoshua uwatalalike abantu, nokutila, “Ifwe natucilapo kukucikwata cena. Ifwe natucilapo pali ico!” Pantu mulandu nshi? Ena alelolesha pa bulayo. Aali Lubuto lwa cine ulwakwa Abrahamu. Temulandu nefyo bakalwisha baali, “Ifwe kuti twaikata impongolo, pantu Lesa ewalaile icalo.” Kibili aikete impongolo.

⁵⁷ Kuntashi, lintu ena aletele abana bakwa Israeli kulya kumumana. Kwaiminine kulya, mu mweshi wa Shinde, umumana ukalamba, waiswile. Wena Yordanu wafumine mumpili, kibili wena wasalangene ukuya mu malungu.

Ukumoneka kwati ninshita iyabipisha, mu mwaka, icakutila ena kuti asangwa kulya. Lelo, cibe, ena aali Lubuto lwakwa Abrahamu. Ena aalishibe ukutila alikwete ubulayo, kabili aali pa mulongo wa ncito. Lesa amupele icimonwa, ifyo afwile ukucita ico, kabili aikete impongolo sha mumana. Lintu impongolo shaiswike, amenshi yabwelele pa muulu mu mpili. Kabili Yoshua na Israeli baikete impongolo sha mulwani, nokwabukila mu calo ca bulayo, pantu Lesa aalibebele ukucita ico. Ulubuto ulwa Cine ulwakwa Abrahamu!

⁵⁸ Ba munyina ne nkashi, lintu ena afikile kulya, Yeriko yonse yalikwete icibumba, ica sumbuka pa muulu icakuti bena kuti baenshapo amaceleta yataku ukwabuka pa muulu. Kuti caba shani kuli aba abena Israeli bengacicita nefyakwashima, ukubula impanga, nafyonse, ne fimuti na mabwe, bena bali nokucita shani ukwingila mulya? Lelo ena alifye u Lubuto lwakwa Abrahamu. Lesa amupele icimonwa, amwebele ena umusango wakucitilamo, atile, “Alishishe ipenga.” Ameni. Efyo cena cali. “Abilikishe apakalamba, nokwenda ukulola ku cibumba icikalamba, impongolo shili nokupona kuli imwe.” Ameni! Ena ali Lubuto ulwa bufumu lwakwa Abrahamu. Ena aali uwacetekela umwine mwine uwakwa Lesa. “Impongolo shili nokupona pansi kucinso cenu. Imwe mulishefye icakubilikisha, kabili mulishefye ipenga. Ifyo efonsefye mufwile ukucita.” Kabili cinshi icacitike? Impongolo sha ponene pansi, kabili Yoshua abulile umusumba.

⁵⁹ Ukuyako kuntanshi panono, tulesanga ukutila umulwani alecimfyा nokutwalilila, panuma yaico, kabili Ena aiminike akasuba munshila shakako. Nga fintu Nalandile ulucelo lumbi, pa cintu *Icilwisha icine*, Ena aiminike akasuba mpaka ena aikete impongolo sha mulwani. Ameni. Ena aalishibe ukuti nga cakutila ulya mulwani kuti baisa capamo nakabili, bena baliba salangenye, na kasuba kaleya kalewa, kaili abena Amori kabili nabena Ameleke, nefyaba ngefyo, fyali ifyasalangana konse. Nga cakutila bena kuti baisa capamo nakabili, nokwisa capamo, nomba ena nga alikwete inshita iyakosa ukubalenga bena ukucimfyा nakabili. Kabili kwallifye icintu cimo, ico icaleikatilila, iyo yaali ni nshita. Kabili Ena aimike inshita. Ameni! Ameni! Kuliko icintu icilemusunga ukufuma ku bulayo, ico cali kasuba, icifyalilwa palwa ciko ukwabuka kulya, kabili Aimike icifyalilwa. Mulandu nshi? Ena aali Lubuto lwakwa Abrahamu. Ena acetekele mubulayo bwakwa Lesa. Amwimike ena, nokwikata impongolo. Ee, mukwai.

⁶⁰ Uyu umuntu mukalamba, bonse pali bena bantu abakalamba. Lelo namwishiba ilyo bena, onse pali bena, lintu bena baisa ku mpongolo ya mfwa, bonse balifwile. Onse pali bena alifwile. Pantu bena bali abantu bakalamba, “Bena baimike u—utunwa twa nkalamo, kabili nokubutuka umulilo, kabili nempela ya lupanga,” kabili nefyaba ngefyo, nga fintu

batweba mubena Hebere 11. Kibili baikete impongolo sha mulwani, shonse lelo mulwani umo, kibili neco cali nimfwa. Imfwa yaminine onse pakati kabو.

⁶¹ Nomba ubushiku bumo, kwaishile u Lubuto lwa Bufumu mu bwakwa Abrahamu, Yesu Kristu, u Mwana wakwa Lesa; u Lubuto Iwakwa Abrahamu, ukupitila mu cicetekelo. Tekupitila muli Isaki, ulubuto lwa cifyalilwa; bena bacitile ulubali lwabo. Lelo kwaishile Umo Uyo uushafyelwe mu cifyalilwa. Pano paishile Umo uyo uushaishile mukufwaya kwakwa mpana kumubili. Pano paishile Umo uwafyelwe kuli nacisungu. U Mwana wakwa Lesa, u Lubuto lwakwa Abrahamu, we muntu umukalamba untu uyu Muntu ali! Kumbi ukufyalwa kwa cifyalilwa kwali konse kufyalwa kwa cifyalilwa. Uyu Muntu afyelwe ukufyalwa kwakwa na cisungu. Cinshi cintu Acitile lintu Aishile pe sonde? Ena acimfishe umulwani onse untu Satana akwete. Acimfishe ifintu fyone.

⁶² Cinshi Ena acitile? Aishile kibili Alicimfishe amalwele. Tapali nokubapo amalwele ukumushinguluka Ena; inshita yonse lintu amalwele yalebapo, Aleyacimfyia yena. Cinshi ico Acitile panuma Ena acimfyia bwena? Ena atupele imfungulo, ameni, aletila, “Conse ico wakaka pe sonde, Ndi nokucikaka mu Muulu.” Oh! Amen! Ulo e Lubuto lwa Bufumu ulwakwa Abrahamu, Ubulayo bwakwe. U Mupashi wa Mushilo muli ifwe nomba, pamo ne mfungulo, ukwikatilila cena ku bulwele. Ena acimfwishe amalwele. Ubulwele tekuti bwena bwiminine Mukubapo Kwakwe. Kibili Ena atile ukuti Atupele imfungulo ukucita icintu cimo cine, ukucimfyia amalwele. “Conse ico mwakaka pe sonde, Ndinokucikaka mu Muulu.”

⁶³ Kibili pano, ifyakwesha, Ena aeshiwe mumusango onse kwati fintu ifwe twali. Cinshi ico Acitile? Acimfishe cena. Kibili cinshi ico Alandile kuli ifwe? “Mukane ciwa, kibili na ena alebutuka ukufuma kuli imwe.” Ena atucimfishe amalwele. Ena atucimfishe ifyakweshiwa, atuwishishe impongolo; asendele imfungulo ukufuma kuli kesha, kibili ashipele kuwa cetekela, uwa Lubuto lwakwa Abrahamu, nokutila, “Nga cakutila akwesha iwe, umukane, kibili alefuma kuli iwe.” Oh, owe! Umukane ena!

⁶⁴ Ena acimfishe fyone fibili imfwa nakumbo. Abukile pa bushiku bwalenga shitatu, aletila, “Ine nincimfyia. Kibili pamulandu Ndi no mweo, naimwe muli nomweo pamo.” Oh, we bulayo we! Ico niku Lubuto lwakwa Abrahamu. Ena acimfishe inshinshi, abukile pabushiku bwalenga shitatu, pakulungamikwa kwesu. Lintu Ena abukile, Ena aali ukulungamikwa kwesu. Bushe ico ciletupanga cinshi? Ena acimfishe amalwele. Ena acimfishe imfwa. Ena acimfishe kumbo. Ena acimfishe inshinshi. Ena acimfishe amatunko. Oh!

⁶⁵ “Nomba ifwe natucilapo pali bakacimfyा ukupitila muli Ena uyo uwabalilepo ukututemwa, nokutupela umweo Wakwe,” ukuba u Lubuto Iwa Bufumu ubwakwa Abrahamu. Pamo no Mupashi wakwa Lesa umo wine muli ifwe, uyo uwali muli Ena, ifwe natucilapo pali bakacimfyा. Impongolo yonse yalicimfiwa pali ifwe. Icintufye cimo ico tufwile ukucita kwikata cena. Cena kale calicimfiwa. Ubulwele bwalicimfiwa. Imfwa yalicimfiwa. Imbo yali cimfiwa. Inshinshi yalicimfiwa. Ifintu fyonse fyali cimfiwa, kibili twalikata imfungulo, mukusenamina Kwakwe. Bushe uli nomwenenso ukufibika mukwisalilwa, kibili nokulanda ukuti, “Naisa mwi Shina lyakwa Yesu Kristu”? “Ipusha Taata icintu icili conse mwi Shina Lyandi.” Ine nalimutemwa Ena.

⁶⁶ Panuma imyaka amakumi yabili naipita, imyaka amakana yabili, kibili ukubafye pano Ena alifye pakati kesu, Kachimfyा wamaka yonse ulya uwalepwile icifimbo pakati, cilya icasendele ukulwala konse, ubulwele bonse, ifintu pali ena Umwine, kibili nefyakucululuka fyesu ku capindama, kibili na malwele yesu, kibili nokucimfyा pali bena, kibili nokucimfyा pali bena, kibili nokubushiwa pa kulungamikwa kwesu, kibili nokwiminina uwa mweo panuma ya myaka amakana yabili, ukuilangisha Umwine eka ngo wa mweo Yesu Kristu, pakati ka Lubuto lwa Bufumu ulwakwa Abrahamu, abo ababa impyani sha fintu fyonse. Oh, owe! Abo panuma, yakupita mukweshiwa, ubulayo bwa Cebo! Ngacakutila kuti wacetekela i Cebo, nomba ninshi naiwe uli Lubuto lwakwa Abrahamu. Ifyo efyo naimwe mwisa kuli Cena.

⁶⁷ Ngacakutila iwe wafilwa ukusenda i Cebo ca kweshiwa, nomba ngacakutila iwe watwishiwa Cena, ukutunganya kunono ukwa Ico, iwe tekuti ucicetekele napanono Cena, pali icintu cimo nangu cimbi, iwe tekuti ucetekela Cena, nomba taufwile nokwisa mu mulongo wabakupepelwa. Ine tekuti njise mukucita ukupumya ku cipailo, mpaka iwe wakwata ukusenamina ukwalinga ukwishiba ukuti i Cebo cakwa Lesa ca cine.

⁶⁸ Kibili lintu iwe wapula muli fyonse cilya icifimbo cakukana cetekela, nomba ninshi iwe naukwata imfungulo mu maboko yobe, isha mfwa, ku mbo, kibili naku nshinshi, pantu iwe naukwata Kacimfyा Uyo uwakucimfishe. Nomba iwe naukwata aba Hebere 13:8, uyo uuletweba, “Yesu Kristu aba cimo cine mailo, ileelo, kibili no muyayaya.” Bushe kuti twacita shani ico?

⁶⁹ Abantu ileelo batila, “Oh, ukuba, Nalakweba, Ena ali-munshila imo, Ena efyo ali.”

“Ena aba cimo cine,” Baibebe efyo yalandia.

“Oh, ukuba, Ena tacita ileelo nga fintu Ena acitile.”

⁷⁰ Tulesanga nomba line, ilyo twamona i Cebo Cakwe cashininkishiwa. Bushe cinshi ico cicita? Cena ciposa Cena palya pene kunuma pa matanta nakabili. Amenii.

⁷¹ U Lubuto ulwine lwine ulwakwa Abrahamu lulacetekela Ico. Bena balishiba Cena. Kibili Aleileiminina, nga fintu Akumenye

Abrahamu kulya kumulu muno nshiku sha Loti kibili nokucita cilya icisungusho, nga fintu Ena acitile ukupitila mukweba Sara cintu ena alandile ku numa Yakwe. Yesu alaile, u Lubuto lwa Bufumu ulwakwa Abrahamu, ukutila i Chalichi ukumona cilya cine icintu cimo cine ilyo fye Ena Talaisa. Cintu nshi ico? Cena cifwile cacificika. Lesa ewalaile ico. Yesu Kristu ashininkishe ico kibili atile cena cili nokuba ifyo fine, kibili pano tuli ileelo, panuma ya myaka amakana yabili, uku mumona Ena pakati kesu, alifye Kacimfyia uwa maka yonse! Ena acimfishe imfwa, imbo, inshinshi, konse ukutunganya; asendele i Cebo...?... ena. Ee.

⁷² Atile, “Ngacakutila imwe mwaikala muli Ine, kibili Ifyebo Fyandi fyaba muli imwe, kuti mwaipusha ico mulefwaya kibili cena cili nokupelwa kuli imwe.” Cali cinshi ico? I Cebo, Kristu, Uyo uwaba mu mitima yenu. “Ngacakutila imwe mwaikala muli Ine, Ifyebo Fyandi fyaikala muli imwe, nomba imwe ninshi na mucimfyia ifintu fyonse pantu Ine nacimfishe ico palubali lwenu. Nga cakutila imwe mwaikala muli Ine, ngacakutila imwe mwakutuluka Ine, ngacakutila imwe mwaikala muli Ine. Ena uyo uwa cetekela Ine, uyo uwa mpokelela Ine; tekui pangafye ukucetekela-palobe, lelo abo abengapokelela. Ena uyo uumfwa Ifyebo Fyandi, akutuluka Ifyebo Fyandi, noku cetekela pali Ena uyo uwatumine Ine, nakwata u Mweo wa tuyayaya; kibili tapite mukweshiwa, nangu mukusekwa, lelo napula ukufuma mu mfwa naingila mu Mweo.” Ifyo efyo Ena aali, Kacimfyia wa maka!

⁷³ Ena Pano efyo aali ileelo, uwaba cimo cine mailo, ileelo, no tuyayaya. Pano Ena alepanga kucinso ca Lubuto lwakwa Abrahamu, ulo ultwaitwa ukufuma mu Babiloni, ukwitwa ukufuma mu Sodomu, ukwitwa ukufuma mwi sonde, kibili abapatulwako, ukulangisha ubulayo Bwakwe bwino bwinofye ubwapula. Panuma ya myaka amakana yabili, pano Ena naiminina pakati kesu, munshita ino iya bushiku, ulya Kacimfyia wa maka, i Cebo cakwa Lesa Icilingulula amatontonkanyo ayo ayali mu mutima, nefyaba mukati ifyo. Cinshi ico cena? “Ulubuto Lobe lukekata impongolo sha mulwani waluko.” Cinshi ico cena? Lwena Lubuto lwakwa Abrahamu, u Lubuto lwa Bufumu, ukuceketela i Cebo. Kibili i Cebo ni—i Cebo ni Lesa.

⁷⁴ Nomba lintu twamona ici, kuti twabilikisha apakalamba pamo nabena, kwati ni kalemba wakale:

Ukwikala, Ena alitemenwe; ukufwa, Ena
ampuswishe;
Mukushikwa, Ena asendele imembu shandi
ukutali;
Mukwima, Ena anungike ukwabula umutengo
umuyayaya;
Ubushiku bumo Ena aali nokwisa—oh,
bushiku bwa bukata!

⁷⁵ Umuntu umo atile, “Iwe uleya ulekula, mulumendo.” Ine tekuti cingafwe ico.

⁷⁶ Ine nalikala ukutulafye lintu Nali umulumendo umunono, icintu fye cimo nasangamo ico Ine natala ukukwata kumona Yesu Kristu Aleisa. Ine napela umweo wandi kuli uko ukukabila. Ine ncili ndeiminina ku cintamba, ngo muntu umukalamba, Ine na cetekela Ilyashi limo line, kibili ne cintu icikalamba Ine ico ninga tontonkanyapo kumona Yesu Kristu aleisa ukufuma mu muulu ukupokelela Ena Abakwe. Lesa, nomba owe... Emulandu wine ifwe kuti twaimba:

Bonse capamo amaka ye Shina lyakwa Yesu!
 Lekeni ba Malaika bapone pa mafumo yabo;
 Lekeni fimoneke ifyabusamo bwa bufumu,
 Kibili mumufwike icilongwe Ena Shikulu wa
 bonse.

⁷⁷ Mulandu nshi? Ena e Kachimfyा uwamaka. Ngacakutila iwe uli muli Ena, iwe waba mu Cebo. Ena atile, “Ngacakuti iwe waikala muli Ine, wipushe conse ico ulefwaya.” “Ico ulefwaya,” pantu impongolo yonse yali cimfiwa kale. Nomba kuti twatila:

Pantu ubulayo bonse mwi Buuku bwandi,
 Chapitala yonse, versi yonse, no mushilwa.
 Ine ndecetekelafye mu Cebo Cakwe ica Maka,
 Pantu bonse ubulayo mwi Buuku bwandi.

⁷⁸ Ba cibusa, bushe imwe namwishiba ico ico cilepilibula? Ubulayo bonse buntu Lesa apangile kuli Abrahamu, ubulayo bonse ubwalandilwe na kasesema, ubulayo ubo Yesu Kristu alaile ubwa buno bushiku, Ena aali pano ukushininkisha bwena kibili ukulangisha ukuti Ena aikala uwamuyayaya. “Ulubuto Lobe lukekata impongolo ya mulwani.”

⁷⁹ Lintu caisa ku nshita iya mfwa. Imwe mwatila, “Nga palwa ico?” Imwe mucili Namukwata cilya icakukwata cintu Paulo alandile. “O we nshinshi, kuli kwisa ukucimfyा kobe? O we mfwa, luli kwisa ulubola lobe? Lelo ukutotela kube kuli Lesa, Uyo utupela ukucimfyा ukupitila muli ulya Kacimfyा wa maka, Yesu Kristu.” Oh!

Lekeni ba Malaika bapone pamafumo;
 Balete ifya busamo fya bufumu,
 Kibili noku mufwika Ena icilongwe Shikulu
 wa bonse.

⁸⁰ Munshita ino iyabushiku, panuma yamyaka amakana yabili, tuli nokumumona Ena, cibe, Kachimfyा wa maka, Ulya uwalepwile icifimbo cilya icatupatwile ifwe ukufuma ku bulayo bonse ubwa kwa Lesa, kibili ifwe twalicilapo pali bakacimfyा muli Ena. Natupepe.

⁸¹ Mwe Taata uwamu Myuulu, nga fintu twaiminina pano, muno bushiku, Mukubapo kwa Mupashi wa Mushilo, ulya

Muntu Mukalamba Yesu Kristu mumibele ya Mupashi, Ulya uwalailwe ukwisa pa Lubuto lwakwa Abrahamu, ulubuto lwa Bufumu, twapepa, O mwe Lesa, ngacakutila kuli umwaume nangu umwanakashi, umulumendo nangu umukashana, muno, uyo uushaishiba Imwe, bena balikwata ukutwishiaka nefya kubomfwisha ububi mu mano yabo, palwa Cebo cakwa Lesa, nangula Cena ca Cine nangu iyo, O mwe Lesa Mukalamba, Mwebapangile ubulayo, iseni muno bushiku! Kuliko ubulayo bumo ubukalamba buntu Mwapangile, Shikulu, Imwe kuti mwasunga bulya bulayo, Buntu mwatile, “Ena uyo uwacetekela pali Ine, imilimo intu Ine ncita naimwe mukacita; ifikalamba ukucila pali ifi naimwe mukacita, pantu Ndeya kuli Taata.” Taata, Lesa, twapepa ukutila Mwalashininkisha i Cebo Cenu.

⁸² Kwaliba abengi abana bakwa Abrahamu pano muno bushiku, abo balwele. Oh, ciwa nabasenda bena; nababika mukati, kabilo naba pilibula imfungulo, nokutila, “Nomba mufwile mwafwa; iwe naukwata ubwafya ubwaku mutima. Iwe naukwata *ici, ukuti*, nangu *cimbi*, kabilo ufwile wafwa.”

⁸³ O mwe Lesa, lekeni ipenga lyakusefya lillile, muno bushiku, iya Mbila nsuma, ukutila umusha onse aye umuntungwa! Yesu Kristu na cimfyia shonse shilya impongolo. Ifwe natwikata imfungulo mu maboko yesu. Oh! “Mwi Shina Lyandi bali nokutamfishamo ifiwa. Ngacakutila waipusha Taata icili conse mwi Shina Lyandi, Ine ndinokucita ico. Ena uyo uwacetekela pali Ine, imilimo intu Ine ncita naimwe muli nokucita. I Cebo cakwa Lesa calitwa kabilo icamaka ukucilapo palupanga ulwa twila kubili kubili, ukulepula ukufika kwi fupa naku mutoto, kabilo kalingulula wa matontonkanya ayo ayali mu mutima.”

⁸⁴ “Kabili nga fintu cali mu nshiku shakwa Noah, ifyo fine efyo cikaba pakwisa kwa Mwana wa muntu, pantu balelya, balenwa, baleupa, baleipela mu cupo; ubutantiko ubukalamba ubwa fungululwa.” Kabili tulemona isonde, “Kuli nokuba ifishibili, ifyakumwenako ifyakutinya mu muulu (ishi nintanda shipupuka), ifinkukuma mu ncende shimo shimo, bemba ukulabuluma (amabimbii yakuya kuntanhsia nakunuma), umutima wa muntu ukupona umutombo (ukutina), ifinkukuma pakati kafyalo, ukusunguka palwa nshita.”

⁸⁵ “Kabili ngafintu cali munshiku shakwa Loti, kabili efyo cikaba mukwisa kwa Mwana wa muntu.” O mwe Lesa, iseni muno munshita yabushiku no kubomba i Cebo Cenu, iseni muno munshita yabushiku nokucindika icicetekelo cabana bakwa Abrahamu. Ukupitila mwi Shina lyakwa Yesu Kristu emo twaipushisha ico. Ameni.

⁸⁶ Shikulu amipale imwe, mubukata. Nshaite ukwisa kuno ku cipailo pali inofye nshita. Nalalekafaye ico kuli imwe mwebene. Ndetontonkanya ukuti, inshita ishingi, ukwita kwa kufipailo... Ine nalicetekela muli fyena. “Lelo abengi abamupokelele,

balibatishiwe.” Ifyo efyo cali cena, “Abengi aba mupokelele Ena.” Ifwe twalapepelako abalwele.

⁸⁷ Ine kuti nalandia pano ubushiku bonse. Imwe muli ibumba ilisuma. Lelo ifyo Ine ndelandafye fya buntufye; lelo ngacakutila Ine nalandia Ifyebo Fyakwe, nomba nishi tafili ifyebo fyandi, fyena Fyebo Fyakwe. Ngacakutila Nalandia icintu cimo, na Lesa tatungilile ico, nomba ico cebo candi. Nga cakutila Nalandia i Cebo Cakwe, kabilia Ena atungilila Ico bwino, ninani uyo umuntu umwaume nangu umwanakashi, umulumendo nangu umukashana, uyo uwingenda aya nokulanda ukuti Cena teifyo?

⁸⁸ Yesu, atile lintu Ena acitile ifi fintu, bena batile, “Uyu Muntu ni katunganya wafya kuntanshi. Ena ni ciwa!” Uyu katunganya wafya kuntanshi, umuntu onse alishiba ukutila ukutunganya-kwafya kuntanshi fyakwa ciwa. Atile, “Ena ni katunganya wafya kuntanshi.” Lelo bushe imwe mwalitala amumonapo katunganya aleshimikila i Mbila nsuma? Bushe mwalitala amumonapo katunganya aletamfya ifiwa? Iyo, nakalya, bena tabacita ico.

⁸⁹ Ena atile, “Nomba, Ine ne Mwana wa muntu ndinokumyelela pali ici. Lelo lintu Mupashi wa Mushilo aisa, ukulanda ububi pali Cena ico tacakatale acelelwa muli lino isonde nangu mwi sonde ilili nokwisa, pantu cena cileita umulimo wakwa Lesa ukutila mupashi wakowela.”

⁹⁰ Lesa abe uwaluse kuli ifwe, muno nshita yabushiku, kabilia Napepa ukuti Lesa alaikila panshi nokushininkisha ici Cebo kuli imwe.

⁹¹ Munyina, nkashi, uyu mweo wandi. Ine nkakumanya Lesa. Ine nalishingamwa pali conse Nanda kuli imwe. Lesa akampelelapo umulandu pali ico. Ico nacilungama. Bushe busuma nshi cingacita kuli ine ukwiminina pano nokulanda ifi fintu ngacakutila Ine ninjishiba ukutila Ndesusha umweo wandi kumbo?

⁹² “Kuli inshila iyo imoneka iyalungama ku muntu, lelo impela yaiko ni nshila ya mfwa.” Lesa tafwaya ukuilula. Nga fintu Ine nalandile, Ena alelula i Cebo Cakwe Umwine.

⁹³ “U Lubuto lwakwa Abrahamu lukekata impongolo ya mulwani.” Bushe imwe namucetekela ico?

⁹⁴ Ngacakutila kuti Nakuposha, Ine kuti nacita ico. Kristu nakuposha iwe kale. Icintufye cimo, niwe weukwete ulufungulo mukuboko kobe. Ulo ulufungulo cicetekelo cobe, ukwikatilila ico. Ukwisula cena, muno munshita yabushiku, bushe teti ucite ico? Iyo Ena aleisa pakati kesu, ulya uwa Maka Kacimfyia ulya uwa cimfyia ubulwele bonse, kabilia aisa pano nokumilangisha ukuti Ena alicita ico, pantu Ena acili aba mu Cebo. “Kabili ne Cebo ecikalingulula wa matontokanyo ayo mu mutima.”

⁹⁵ Ni kadi nshi iyakupepelapo? B, ukufuma pa nambala ya cimo ukufika . . . Nipesa apo twatampile, ubushiku bumbi? [Umuntu umo atila, “pa nambala ya Cimo.”—Kale.] Natutampile pa nambala amakumi yasano. Nani uukwete kadi yakupepelapo B, amakumi ya sano? Imyako ukuboko kobe pa muulu. Kadi yakupepelapo B. Twatampile ukufuma pa nambala ya cimo, ubushiku bwafumineko, nomba twalatampila ukufuma pa makumi yasano, muno munshita yabushiku.

⁹⁶ Ninani uukwete B, B, amakumi yasano? Imyako ukuboko kobe. Kadi ya kupepelapo iya B, amakumi yasano. Muleplibula tacilipo pano? Bushe namukwata yena? Nacilungama, B, amakumi yasano. B, amakumi yasano na-cimo, nani akwete? B, amakumi yasano na-cimo nacilungama. B, amakumi yasano na-fibili ninani akwete B, amakumi yasano na fibili? Nachilunga, iwe naukwata yena. B, amakumi yasano-nafitatu, amakumi yasano na-fine, isakuno. Amakumi yasano na-fine, amakumi yasano na-fisano.

⁹⁷ Umulumendo wandi aikila ukwisa pano, ilyo fye Nshilaisa, nokufulunganya amakadi ayengi. Kibili moneni ifyo yena yali, imo *pano naimbi palya?* Bena tabeshibe. Imwe muli *uyu* mulongo ikileni iseni pano nokubulapo imo, uwakonkapo abule apali ikumi limo, naumbi uwakonkapo apali amakumi yabili na-fisano. Tatwishibe apo yena ili, lelo, ponse apo yali.

⁹⁸ Nomba ni banga abo twingeta? Fisano, fine? B, amakumi yasano. Bushe B, amakumi yasano, bushe tacali? [Umo umuntu atila, “Ee.”—Kale.] B, amakumi yasano ukufika amakumi yasano na fisano. Amakumi yasano na mutanda, amakumi yasano na cine lubali, amakumi yasano na cine konse konse, amakumi yasano na pabula, amakumi mutanda. Nomba lekeni tumone, cimo, fibili . . . Tupende, Billy, kibili twala . . . Amakumi mutanda, amakumi cinelubali, lekeni beminine intanshi, nga kuti mwacita. B, amakumi yasano ukufika ku makumi cinelubali, amakumi cinelubali na fisano. Yapedeni, Munyina Roy, nga kutila walapenda, ilyo Ndelanda kwibumba.

⁹⁹ Nibanga kunse uko nomba ilyo mulelolesha muli iyi nshila, kibili tamukwete kadi yakupepelwapo?

¹⁰⁰ Ibukisheni, Yesu atile, “Imilimo intu Ncita na imwe eyo mukacita pamo.” Bushe ico cacine? Ico cacine. Bushe na mucetekela cena? U Lubuto lwakwa Abrahamu efyo lwasosa.

¹⁰¹ Baibele itila, ukuti, “Ena ni Shimapepo Mukalamba.” Aba Hebere, chapitala 4, “Ena ni Shimapepo Mukalamba untu twingakumya nefya macushi yesu.” Bushe namucetekela ico? Nga cakutila Ena aba cimo cine mailo, ileelo, no muyayaya, nimusango nshi Ena engacililamo ico?

¹⁰² Kwaliko umwanakashi umunono, muli Baibele, nge fyo mulemona ifyo Ndesosa. Umwanakashi umunono, muli Baibele, limbi ena takwete kadi yakupepelwapo; lelo atile mu mutima

wakwe, “Nga kuti Nakumya ulya Mwaume, Ine nincetekela Ena.” Ena aliposele shonse isho akwete, kuli ba dok-...kuli ba dokotala. Bena bafililwe ukumwafwilisha. Ubwafya bwakwe bwalikulile nganshi. Bena bafililwe ukumwafwilisha. Lelo ena acetekela ukutila Lesa kuti amwafwilisha. Kibili aikete insempem Yakwe, iya cakufwala cakwe.

¹⁰³ Kibili Atile, “Ine nalikula ukuti amaka nayafuma muli Ine.” Bushe ico nacilungama?

¹⁰⁴ Bushe namucetekela ukuti Ena aali cimo cine, munshita ino iyabushiku? Bushe namucetekela ukuti Ena ali pano? Nibanga abacetekela ukuti Ena alibukile ukufuma ku bafwa? Nomba nibanga abengashininkisha ukutila Ena alibukile ukufuma ku bafwa?

¹⁰⁵ Tekale saana, umuntu uwalumbuka uwamu Baptisti aishile kuli ine, kibili atile, “Munyina Branham, Ine nalicimfiwe—nalicimfiwe, pansiha imo, kuli Mohammedan uwasosele cilya. Atile, ‘Ngacakutila Ena alibukile, Ena alaile ukuti Ena alinokucita icintu cimo cine. Natumone Ena ngalacita icintu cimo cine cena.’” Mwamona, bena bacetekele ukutila Ena tacitile ico.

¹⁰⁶ Lelo ifwe twacetekela ukuti Ena alicitile ico. Ifwe twacetekela ukutila Ena alibuka ukufuma ku bafwa. Takwabako bukapepa na bumbi mwisonde ubo ubwingashininkisha ukutila uwasangile uwabo ali nomweo, lelo kano abena kristu. Kibili nenshilafye imo iyo Lesa enga shininkishamo Ico, kupilafye muli abo bonse abacetekela cena; pantu iyo ine enshilafye imo iyo Lesa abombelemo Ifyebo Fyakwe, ni muli abo abacetekela Cena.

¹⁰⁷ Nomba ilyo bena bali muli uyu umulongo uunono pano uwamapepo, Ine nshishibe nibanga abo twalakwata, Ndefwaya cila umo pakati kenu, ekatilile icifulo cakwe, wikitilile pa cipuna cobe, tamufwile ukulaendauka, lolesheni kuli ulu lubali no kupepa, mutile, “Shikulu Yesu, Ine nincetekela.”

¹⁰⁸ Muleibukisha, Ena anjebele ukuti, “Ngacakutila walenga abantu ukucetekela iwe; kibili nomba waba uwacishinka lintu ulepepa.” Ico caba ukuya monse muli cino calo, kunuma nakuntanshi, pa myaka ikumi limo na fisano, tapafwile ukuba inshita nangu imo iyo cifwile ukufilwapo cena. Teti cifilwepo.

¹⁰⁹ Lesa, icintu cimo ico Lesa tekuti acite, kuafilwa. Ena afwile asunga i Cebo Cakwe. Nalicetekela ico. Nalicetekela ico pamo penefye nga Ine ...ukucilapo pa kucetekela uko Ine ndinako pano apo Ine njiminine, ukucilapo pakucetekela uko Ine Ndinako muli cino cikulwa; ici kuti caba icisweswe, cena kuti caba iciloto. Mukati ka mweo wandi, Ine nalistiba Yesu Kristu u Mwana wakwa Lesa wa mweo. Kibili naiwe ukuba u Lubuto lwakwa Abrahamu, iwe ukaba uwafwa muli Kristu, iwe uli Lubuto lwakwa Abrahamu.

¹¹⁰ Nomba nabakwata ututambala pano. Ukutunguluka ukukalamba kwalicitwa nato, ku bantu abo abacetekela. Nomba natukontamike imitwe yesu, ilyo bena baleiteyanya, ukubapepelako bena.

¹¹¹ Taata wamu Myuulu, ifwe twalifundwa muli Baibele, kibili pali abantu pano abo abacetekela i Cebo conse ico Mwalanda ukutila e Cine. Shikulu, inshita shimo balatalantanta ukufilwa ukwingisha pacipunda ca lufungulo, nolufungulo, ukupusa pena, nokukwesapo, lelo balacetekela ukuti pena nipaya pene. Eico lekeni bena batwalililepo ukumaulapo, bena bali nokusanga pena, pantu cena epocili palya. Kibili nalulya ulufungulo elwa lingana, “Nga cakutila iwe kuti wacetekela, ifintu fyонse kuti fyacitwa.” Ilyo ulwimbo luleimbwa nomba, nangu balelisha.

¹¹² Mu Baibele calanda ukuti, “Paulo abulile ukufumya mu mubili wakwe ututambala naba apuloni, nokutuma kubalwele nabalecula, nemipashi iyakowela yafumine pali bena abantu, kibili bena balyundepwe.”

¹¹³ Nomba, Shikulu, twalishiba Paulo Washila ali na Imwe. Lelo, tacali ni ena; cali ni Mwe, Shikulu, Kristu muli ena. “Te ine neuli no mweo, lelo ni Kristu ewikala muli ine,” efyo alandile.

¹¹⁴ Kibili nomba kuli iyi nkulo, Imwe mucili muli Kristu, ileelo, nga fintu mwali mailo. Kibili ilyo Ndepepelako utu ututambala, ukwikata twena, Napeta ukuti Imwe mwalacimfy umulwani onse. Bapeleni icicetekelo, ukubaleka bena beshibe ukuti umulwani nacimfiwa.

¹¹⁵ Kibili inshita imo, Bemba uwa Kashika, nge fyo twalandilepo, alikwete Israeli ukuputulwa ukufuma ku bulayo, kibili bena bali mu mushila ya mulimo. Kibili kalemba umo atile, ukuti, “Lesa aloleshe pansi na meno ya bukali, ukupitila muli ilya Ntumba ya Mulilo, kibili nabemba atinine nokwisula impongolo shauko, kibili bena ba abwike kwi shilya.”

¹¹⁶ Lolekesheni pansi, muno bushiku, ukupitila mu Mulopa wakwa Yesu Kristu. Kibili lekeni, ilyo ututambala twalabikwa pa balwele, lekeni umulwani amone icitetekelo cesu, muno bushiku, ilyo tulepepa ili pepo lya citetekelo pali bena. Kibili lekeni cila umo apokololwe, mwi Shina lyakwa Yesu Kristu. Ameni.

¹¹⁷ Nomba Ndefwaya ukumfwa kwenu ukusha akanikanamo. Onse uuli pacisoselo pano, imwe mukusheko cena. Pantu, nga Mupashi wa Mushilo kuti acita ici... Nshilelanda ukutila Ena alacita.

¹¹⁸ Nomba uuli onse nga aisa pano nokutila kuli imwe bena balikwata amaka yakundapa abalwele, imwe tamufwile ukucetekela ico. Amaka yonse yaba muli Kristu. Ena ni Kacimfy, te imwe na Ine. Ifwe tupokelelaufye ico Ena acita.

Umuntu nangu umo takwata amaka yakupususha nangu ukundapa.

¹¹⁹ Umuntu onse mwi sonde, umutengo walilipilwa kale. Icalekabilwa cali lipilwa. Cali ni cinshi? “Ena alashilwe pa membú shesu, kibili mufipumo Fyakwe emo twaundapilwa.” Uku—ukundapwa kwenu kwali lipilwa. Ipusukilo lyenu lyali lipilwa. Bushe namukwata icicetekelo icakwisa, pokeleleni cena? Epelafye. Nga muli Mbuto shakwa Abraham, na mukwata. Lesa alicilaile. Kuliko icintu cimo muli imwe ico cisosa ukutila cili kulya, kibili cena cili.

¹²⁰ Nomba ica bupe ni cinshi? Ca bupe ica kuya kunse no kundapa abantu? Iyo. Ica bupe ku itwala mwebene ukufuma mu nshila, pakuti Lesa amubomfye.

¹²¹ Nomba Ena alilaile cilya, icishibilo cakulekelesha, ukulingana na Yesu Kristu, “Nge fyo cali mu nshiku sha Sodomu, lintu fye tailaocewa.” Te lintu ifintu fimbi tafilacitika, i Mbila nsuma yabililwe na Loti, kibili na fimbipo; te filya. Lelo lintu fye tacilaocewa, Lesa aishileika mu musango wa muntu, no kwikala pamo ne Chalichi casalwa, Abrahamu ne bumba lyakwe, abo abakwete ubulayo.

¹²² Nomba ibukisheni, Lubutofye lwakwa Abrahamu elwapokelele ici. “Pakashita akanono ne sonde talyakamone Ine nakabili,” Yesu efyo alandile. “Imwe mukamona Ine, pantu Nkaba na imwe, muli imwe, mpaka ku mpela ye sonde.”

¹²³ Lelo Ena alilaile, lelo ilyo cilya tacilafika Alibwelele nakabili, “Nge fyo cali munshiku sha Sodomu,” lolesheni paco Sodomu alepokelela; lolesheni paco i Chalichi casalwa cilepokelela. atile, “ifyo fine efyo cikaba napakwisa kwa Mwana wa muntu.” Lesa ailangishe mumibebe ya muntu, ne numa Yakwe iyapilibukila kwi tenti, alandile ico Sara acitile kulubali lumbi ulwe tenti. Umuntu onse uyo uwaishiba ukutila ico e Cine, emyeko amaboko yakwe. Ico nacilungama. Nomba Ena alaile ico. Ifwe tuli pashita iyakulekelesha. Nomba ibukisheni, cilya ecali icintu icakulekelesha cilya icacitike; kibili i sonde lyabena Fyalo lyalipile, Sodomu, kibili umwana uwalailwe aishile moneka. Ifwe tulelolesha ku Mwana uwalailwe, u Mwana wakwa Lesa.

¹²⁴ Mwamona pano ifwe twafika. Lekeni Lesa esule amenso yenu. Ine nshishibe icintu cimbi ico ine ningalandia. Lekenifye Ena esule amenso yenu.

¹²⁵ Nomba mwe Taata uwa mu Myuulu, Ine ndifye uwapelelwa, Ndimwinafye uweloba ilyo Imwe mwabumbile pamo, nokubika lyena pano. O mwe Lesa, lekeni Ine, munshita ino iyabushiku, inkwate ukusenamina Kwenu Nokubapo kwenu, ukuti cena cibefye Nimwe ukubomfya utu utubulungwa utweloba linono uto Imwe mukwete muno. Ukutila bonse, Shikulu, abo Imwe mwaita ku Mweo wa Muyayaya, kibili limbi bena tabalati

bapokelele Cena nanomba, lekeni bena bamone ubu ubulayo. Bena limbi balifundilwe ico icaliicabushiku bumbi, lelo pano epo cena cili muli Baibele. Cishininkisheni Cena, Shikulu. Ubo ebupilibula Bwenu Mwebene. Tacilekabila cimbi icacilapo pali ico. Nga cakutila Imwe kuti mwacipanga cena ukuba ifyo, nomba bena bali nokumona ukutila i Cebo e cine. Fikilisheni ico, Taata. Ifwe twacibika kuli Imwe.

¹²⁶ Lekeni umuntu onse uuli muno, Shikulu, abomfyé icicetekelo cakwe, muno munshita ya bushiku. Lekeni membala onse uwa mu Mukowa wakwa Abrahamu, ukupitila muli Yesu Kristu, akwate icicetekelo, muno munshita ya bushiku, kabili apokelele Ukubapo Kwenu. Kabili ifwe twala Mipela amalumbo. Ameni.

¹²⁷ Nomba, buli ino inshita yaku-... Nomba ici cili iceni. Ndefwaya imwe mungafwilishe nomba, mumpepeleko ine. Mwikale tondolo bwino bwno, mwila endauka. Mwikale tondolo, mulepepa.

¹²⁸ Nomba, moneni, cena cilecinja ukufuma kukusabankanya kwa mbila nsuma, ukuya kukutusha kwenu mumusango wakuti u Mupashi wakwa Lesa kuti wamubula imwe mukupwililika ukuya muncende imbi.

¹²⁹ Nomba pano napeminina uyu umwaice... Isako kuno panono, we namayo. Kabili fye... Ico cili bwino, eico ine Nshafumeko kuli cino icisoselo. Mwamona, Nshishibe ificitika, imwe mwamona, kabili nomba inshita shimo shimo, namwisha... Nomba inshilafye imo iyo Naishibilamo ico, cena—cena nipa cisoselo, mwamona, kabili bena baleesha ukucumfwa kulya, kabili Ine nshishibefye nicinshi.

¹³⁰ Nomba ifwe tuli beni kuli umo nomunankwe. Ine nshakwisha, nshatala nkumonapo mu mweo wandi. Lelo iwe naucepako apakalamba pali Ine. Kabili limbi ifwe twafyelwe ama mailoshi ayengi ukucilana, nemyaka ukucilana. Uno emuku wakabalilapo ukukumana. Bushe ico nacilungama? Nga cakutila cena cili ifyo, imyako ukuboko kobe pakutila ibumba likumone. Nomba, ena mwanakashi fye uwiminine pano.

¹³¹ Lolesheni, cibwekecheni cena mu Malembo. Natubule Uwashila Yohane 4. Cila umo pali imwe muye mubelenge lintu mwaya ku ng'anda. Te-teuyu umwanakashi uuli ulya umwanakashi uwakupashanya; Ine nshishibe. Kabili imwe namwisha ukutila Ine nshili Yesu Kristu. Lelo Ena ali pano. Ena ni Ena. Nomba u Mupashi Wakwe ukutusuba ifwe, kuti wasokolola ubwafya bwakwe, ngafilya fintu Acitile ku mwanakashi pa cishima. Icintu cimo cine.

¹³² Kabili, muli cilya, apo bashimapopo ne ntungulushi shamuli bulya bushiku, batile, "Uyu Muntu nikalota wafya kuntanshi, nangu iciwa, Beelzebubu."

¹³³ Uyu mwanakashi atile, “Mukwai, Ine nailuka ukutila Niwe kasesema. Ifwe twalishiba ukutila Messiya ali nokwisa, kabilo neco ecili nokuba icishibili Cakwe.”

¹³⁴ Nomba, nibanga abeshibe ukutila ico e cine? Ukuba, nga cakutila Ena aba cimo cine mailo, ileelo, no muyayaya, bushe ico teti cibe icishibili Cakwe munshita ino iyabushiku? Bushe Ena alilaile cena ukutila cili nokuba, ilyofye inshita tailapwa? Nomba moneni nga cakutila Ena alasunga ubulayo Bwakwe ku Lubuto ulwakwa Abrahamu.

¹³⁵ Nomba nga cakutila umuntu umo muno aletontonkanya ukutila ico nacilubana, iwe isa pano nokucita icintu cimo cine. Nga cakutila tacili ifyo, nomba imwe mwilandapo icintu nangu cimo palwa cena. Imwe namukwata insambu.

¹³⁶ Nomba, mwi Shina lyakwa Kristu, Nabula umupashi onse ukuba pesamba lya kutungulula kwandi, kubukata nakukucindika Lesa.

¹³⁷ Ine mfwilefye nalanda kuli iwe, pakashita, namayo mwaice. Nawishiba, Shikulu wesi alandile kuli ulya umwanakashi pacushima. Atile, “Mpelako Ine amenshi.” Cinshi ico Alecita?

¹³⁸ Nomba moneni, Atile, mu Washila Yohane 5, “Icine cine, cine, Ndelanda kuli iwe we Mwana,” ulya ali ni Ena, mu mubili, “ine teti incite icintu nangu cimo muli ine Nemwine,” kanofye ifyo Ena amwene Taata acita. “Cilya ico Taata acitile, Ena alangishe u Mwana. Mwamona, Ine teti incite icintu nangu cimo muli ine Nemwine, lelo kano nga fintu Namona Taata alecita cena.” Nomba, Yesu tatalile apangapo icisungusho cimo mpaka mukubalilapo Lesa amulangishe Ena mucimonwa; tekumweba Ena mukutwi Kwakwe, lelo amulangishe Ena. “Ico Ine mona,” tekumfwa, “namona Taata alecita.” Ico ecamulengele Ena uku Kasesema uwupalana na Mose, nga fintu Mose atile. Nomba lintu Ena—Ena aishibe Taata... Ena ali pa...

¹³⁹ Ena aleya ku Yeriko, lelo Akwete ukukabila ukwakuya ku Samaria, kabilo Ena aishile fika mu musumba wa Sychar. Kabilo nomba moneni, abena Samaria balelolesha kuli Messiya.

¹⁴⁰ Aba Yuda balelolesha kuli cena, kabilo Ena abalangishe icishibili Cakwe. Filipo, Nathanael, Petelo, lilya linefye icishibili cacitilwe, bena batile, “Iwe uli Mwana wakwa Lesa.”

Kasambilisha atile, “Uyu Muntu ni Beelzebubu.”

¹⁴¹ Lelo nomba ibukisheni, abena Fyalo, ifwe, ifwe nifwe ba Anglo-Saxon, ifwe—ifwe tatwalelolesha kuli Messiya nangu umo. Ifwe twali abasensi, abena Roma, nefyaba ngeffyo. Ifwe tatwalelolesha kuli Messiya nangu umo. Ena esa fye kuli abo beka abalolesha kuli Ena.

¹⁴² Lelo abena Samaria bena balelolesha kuli Ena, eico Ena aile kuli bena, ukunina ukuya ku Samaria. Ena aikeleko pacushima. Namayo umwaice, limbi uwalifye ngo mushinku obe, aishile.

Ena ali mwanakashi uwalulumbi ulwabipa. Imwe mwalibelenga ilyashi, Ndetunganya. Kabili Ena atile, "We mwanakashi, mpelako Ine amenshi."

¹⁴³ Ena atile, "Oh, cena tacaba mulutambi kuli Iwe, wemu Yuda, ukwipusha umwina Samaria ifyaba ifyo."

¹⁴⁴ Ena atile, "Lelo nga cakutila iwe wacishiba Untu iwe wacila landa nankwe, iwe nga wacipusha amenshi ukufuma kuli Ine."

¹⁴⁵ Ukulanshanya kwatwalililepo. Mukulekelesha, Ena asangile apali ubwafya bwakwe. Imwe muleibukisha ifyo cali? Ena alikwete abalume abengi. Kabili atile, "Kabiye uye utele umulume obe, mwise kuno."

Atile, "Nshakwata nangu umo."

¹⁴⁶ Atile, "Iwe walanda bwino," atile, "pantu iwe walikwetepo basano, kabili na umo untu uleikala nankwe pamo nomba te obe."

¹⁴⁷ Ena atile, "Mukwai, Ine nailuka ukutila Iwe uli kasesema. Ifwe twalishiba Messiya ali nokwisa, Ena ali nokutweba ifi fintu."

Kabili Ena atile, "Nine Ena."

¹⁴⁸ Ena ashile umutondo wakwe, abutukile namu musumba, kabili atile, "Iseni, mumone Umuntu Anjebele ifyo ine Nacita. Bushe uyu te Messiya?" Bena tabakwetepo kasesema pamyaka imyanda. Kabili pano epali u Muntu uulelanda ukuba Messiya, kabili nokushininkisha ukuba ena—ena kasesema, kabili nalangisha necishibili icakwa Messiya.

¹⁴⁹ Bushe ico kuti cakulenga iwe ukucetekela icintu cimo cine, nga cakutila Ena acitile icintu cimo cine, ukuba Ena uwaba cimo cine mailo, ileelo, no muyayaya, kabili ena alilaya muli aya Amalembo ukuti Ena ali nokucita cena?

Bushe kuti calenga ibumba ukucetekela?

¹⁵⁰ Iwe naukwata ubwafya bwalufyo. Nga cakutila ico nacilungama, imyako ukuboko kobe.

¹⁵¹ Mulandu nshi ico cilebwelela pacinso candi? Umuntu umo atila, "Ena acitunganya ico." Ine nshacitala ntunganyapo ico.

¹⁵² Pano, uyu ena mwanakashi umusuma. Bushe namuncetekela ine? Nomba imwe namwishiha Ine nshacitunganya ico. Lekeni ine nandepo icintu cimo cimbi. Umulume obe ali naiwe. Naena alelwala, pamo. Teifyo? Ubwafya bwamusana. Ico nacilungama. Bushe teifyo? Iwe walikwata akalumendo akanono pamo naiwe. Ena alecula, pamo. Iwe ulefwaya ena ukumupepelako. Ena nakwata icintu cimo icalubana pamo na menso yakwe. Ico nacilungama. Iwe naukwata umukashana umunono pamo naiwe, ena nakwata ubwafya bwalufyo, kwati niwe. Bushe ico nacilungama? Nomba imwe bonse kuti mwaba abaundapwa, nga cakutila imwe mwacetekela. Bushe mwacetekela ico?

Lesa amipale imwe. Kabiyen'i bwelelenimo pamusebo nokuba abaundapwa.

¹⁵³ Bushe namucetekela? Ena aba cimo cine mailo, ileelo, no muyayaya. Cinshi ico? Cinshi ico Ena aleesha ukucita? Kuli imwe, Lubuto lwakwa Abrahamu, Ena alelangisha imwe ukuti Ena tafwa. Ine tekuti ncite ifyo fintu. Ena tafwa. Lelo Ena wa mweo, alelangisha imwe ukuti namukwata insambu ishakwikata impongolo shamulwani wenu. Ico cifwile capwisha ico.

¹⁵⁴ Uyu na mayo, isa uku lubali, pakashita akanono. Ifwe tuli, umushinku umo wine, Ndeingililamo. Lelo ifwe—ifwe tuli beni kuli cila umo, ukufikafye ngefyo Ine njishibe. Ine nshakwishiha iwe, kibili ifwe tuli beni. Ine nshaishibapo nangu cimo pali iwe. Nga cakutila ico nacilungama, imyako ukuboko kobe, mwamona. [Nkashi atila, “Ico nacilungama.”—Kale.] Bamofye bacipela iwe kadi yakupepelwapo, kibili iwe uli pano. Nacilungama. Nomba nga cakutila Shikulu Yesu . . .

¹⁵⁵ Nga cakutila Ine, limbi, Natila ine nacilaesha ukubula icifulo cakwa Munyina Oral Roberts, nangu bambo balya abantu abakalamba abacacetekelo, Ine kuti natila, “Namayo, cinshi icilubene pamo naiwe?”

¹⁵⁶ Iwe nga wacitila, “Ukuba, Ine ninkwata *ici-ne-ci*.” Nomba, ena limbi tekuti abe uwalungika. Mwamona? Ine nshishibe. Mwamona? Lelo, ena, iwe ufwire ukumweba ico icilubene.

¹⁵⁷ Ena kuti abika amaboko pali iwe, ukutila, “Lesa nantuma ine uku—ukupepelako abalwele. Bushe naucetekela ico?” “Ee.” “Ubukata kuli Lesa! Kabiye, ucetekele cena.”

¹⁵⁸ Cena nacilungama. Cena nacilungama. Lesa alilaya ico. Lelo, imwe mwamona, ifwe natwikalapo ukuyako pantanshi panono mu—mubushiku ukucila pali ico. Yesu alaile, “Nga fintu cali mu nshiku sha Sodomu. Imilimo iyo Ine ncita naimwe muli nokucita pamo.”

¹⁵⁹ Nomba nga cakutila Lesa kuti anjeba ifyo iwe uli, nawishiba iwe ukuti ico cacine nangula iyo. Ena kuti akweba ifyo uli nokuba. Kibili ico nga cacine, ici naco cili nokuba icacine, pamo. Nga cakutila Ena akweba iwe, icili conse, Ine nshishibe; lelo nga cakutila Ena angeba ifyo ubwafya bobo buli.

¹⁶⁰ Bushe imwe mwala cetekela ico, pamo, mwe bumba?

¹⁶¹ Ine icine cine mfwile naleka ico. Panshita imo, ulya umuntu uwaciba pano pakashita akanono akapitapo, ico cifwile cashininkisha ico. Yesu alandile cena panshita imo. Ena tacicitile cena panshita imo iyacilapo. Umuntu onse mu Sychar acetekele ico, bacetekele ubunte bwa mwanakashi, lintu ena aishile, nokubeba, kibili ena ali umwanakashi uwalulumbi lwabipa. Umwina Kristu ulya uwacifumafye pacintamba, kuli imwe bonse! Amen. Lelo cena ukuba ukuti inshita taipwile

ukucila pafyo tule tontonkanya, lekeni Shikulu atwalililepo ukuishininkisha umwine Palwakwe, umukalamba, Kacimfyा umukalamba, ukuti u Lubuto lwakwa Abrahamu... Lelo kwati nga Abrahamu, Ena acitile ico kuli Abrahamu, umuku umo; nomba aonawile cilya, nokucita cena nakabili. Abrahamu atwalililepo ukucetekela Lesa.

¹⁶² Iwe tauli pano palobe weka. Iwe uli pano pa muntu umbi, kabilo noyo ni namayo. Ena ni nkashi yobe. Kibili namayo naukwata icinshingwa camfwa. Kibili alelwala u—ubulwele bwa diabetes. Kibili ena tafuma kuno. Ena afuma ku... Ena afuma ku Louisiana, icalo ca malungu. Ukuti... Kibili apa paliko nacimbi icintu, ico ili ibumba lifwile lyashiba. Iwe naukwata umwana umwanakashi uyo uulwalishe nganshi, uyo uuletantika ukwisa kuli kuno ukulongana, kibili ena alikwata cipumputu. Ico cacine. Ico cacine. Tacili ifyo? Bushe nomba wacetekela iwe? [Nkashi atila, “Ee. Ameni.”—Kale.] Nga cakutila iwe uli Lubuto lwakwa Abrahamu cipokelele ico kibili enda ukufuma, kibili ube uwaundapwa mwi Shina lyakwa Yesu Kristu.

¹⁶³ Bushe iwe nauketekela? Icine cine. Ibukisheni, cena bulayo Bwakwe. Ena atile Ali nokucita ico. Ena alasunga ubulayo Bwakwe.

¹⁶⁴ Uli shani? Ifwe tuli beni kuli umo no munankwe. Ine nshikwishibe. Lelo Lesa alikwishiba iwe. Bushe walacetekela nga cakutila Lesa asokolola ubwafya bobe kuli ine, nomba iwe nawishiba ukuti ico cifwile cafuma kumaka ya bumupashi yamo. Nomba, kulifye ifintu fibili uko cena cifwile ukufuma, ico kuti iwe watunganya. Lintu cena caisa citika, cena nacilapo pabulondoloshi, pantu cintu cimo icakumoneka. Kibili, pamo, cintu icakutunganya; icintu cimo, ukuba, cintu cimo icishakwatamo amano, lelo cena cacine. Cena kuti caba icakutunganya. Kibili nomba imwe namucishiba, nga cakutila cena cacine nangu iyo, imwe kuti mwaishiba nga cakutila Ena namyeba imwe icine.

¹⁶⁵ Nomba, ibukisheni, Ine nshikwishibe iwe. Cena cifwile ukuba u Muntu umo uuli kulubali lwandi. Nga cakutila imwe mwacita kati ba Fariseo, kibili nokutila, “Oh, wena mupashi uwakowela,” nomba imwe ninshi namupokelela cilya icilambu. Nga cakutila imwe mwacetekela cena ni Kristu, imwe ninshi namukwata icilambu Cakwe. Umulandu untu imwe mwingga cetekela ico, pantu Ena alilaya ico muli buno bushiku, kibili cena tacaba ukufuma pali ilya inshita ukufika kuli ino. Ico ecalenga yena ukuba inshita yakulekelesha.

¹⁶⁶ Kuliko umuntu umo uyo uutwalilila ukulamonekela kuli iwe, inshita yonse. Mwaume, uwamutwe wamfwii. Ena mulume obe. Ulya uwikele palya. Ena aleesha aleesha ukupokelela ubundapishi bakwe, ena ashingulwikwe nobulwele bwepwalonda, ilyamishila mishila, ipwalonda. Iwe naukwata

ubwafya bwa mfyo, ubwafya bwa cisu. Niwe Mista na Misisi Little. Bushe ico nacilungama? [Nkashi atila, “Ee.”—Kale.] Cetekela no mutima obe onse, kibili walaundapwa.

¹⁶⁷ “Iwe uletila uwakwe, ishina lyabo?” Mulandu nshi, icine cine. Bushe Yesu taebele Petelo, “Ishina lyobe niwe Simon, umwana wakwa Yona”?

¹⁶⁸ Pano pali umwaume. Ifwe tuli beni kuli cila umo, mukwai. Ine nshikwishibe iwe. Lelo iwe uli mwaume, kwati—kwati Petelo aleisa kuli Shikulu Yesu, ifwe taisa capamo. Bushe iwe nauncetekela ukuba umubomfi Wakwe? Bushe naucetekela ukuti ico Ine nalanda e cine? [Munyina atila, “Ee, emukwai. Nincetekela, mukwai.”—Kale.] Nga cakutila iwe kuti wacetekela ico! Ine, nga cakutila kuliko icintu cimo ico ine Ningacitila iwe, Ine kuti nacita ico, lelo tapali icintu ico Ine ningacita. Ena kale nacita ico; cena cilifye icintu cimo icakulenga iwe ucetekele cena. Kibili, mona, ico tacifwile ukuba nine. Nga cakutila cena cali nine, Ine kuti—Ine kuti Nacita fyonse ifyo ningacita kuli iwe. Lelo Ena ampele icabupe, kibili Ine mbafye uwanakila palwandi kuli Ena, kibili Ena eulanda. Bushe iwe naucetekela ico? [“Ee.”]

¹⁶⁹ Bushe namucetekela ico, mwe bumba?

¹⁷⁰ Ndefwaya ukusanga umuntu. Iwe naukwata ifintu ifingi ifilubene pamo naiwe. Lelo cimo pali ifi fintu cili, naukwata cimo icilekula palinso lyonse ilya kukulyo. Ebwafya bobo ubukalamba ubo iwe ukwete. Pano palipo nacimbi icintu, umwanakashi aletwalililapo ukulamonekela pano. Ena mukashi obe. Bushe naucetekela ukuti Lesa kuti anjeba icilubene pamo nomukashi obe pano? Ubwafya bwakwe buli mukanwa kakwe. Cena lino lyakwe. Ico nacilungama. Bushe iwe naucetekela ukutila Yesu umo wine, Ulya uwaishie unto Simoni Petelo ali, kuti anjeba ine unto iwe uli? [Munyina atila, “Ee.”—Kale.] Bushe kuti calenga iwe ukucetekela apakalamba? [“Ee, mukwai.”] Cena kuti? [“Ee.”] niwe Oscar Bennes. [“Ico nacilungama.”] Bushe ico nacilungama? Kabiye kumusebo obe ukuya ku ng’anda, ube uwaundapwa.

¹⁷¹ [Tapali amashiwi pali tepu—Kale.] . . . umweni kuli iwe. Ine nshikwishibe iwe, lelo Lesa ena nakwishiba iwe. Bushe iwe naucetekela ukutila Ena kuti anjeba ubwafya bobo ifyo buli? Bushe kuti wacetekela ico no mutima obe onse? Ubwafya bobo buli pa mukolomino obe, kibili mucifuba cobe pano. Ifupa lya—lyalibola. Iwe naukwata ifyafimba, kwati, nefyabolungana mukati kefupa. Ico nacilungama. Iwe tawafuma kuno. Iwe waba—waba mu musumba uwakwata ifimuti fya macungwa ukushinguluka. Wena waikala mu mupokapoka, nempili ishakonkana kunuma yauko. Kwaliba ne hotela ilitwa Antlers. Wena ni San Bernardino. Eko iwe wafuma. Bwelelamo, Yesu Kristu nakundapa iwe, nga cakutilafye iwe wacetekela fye ico.

¹⁷² Kuli fye icintu cimo icingondapa ubulwele bwepwalonda, uyo ni Lesa. Bushe naucetekela iwe Ena alakundapa iwe? [Munyina atila, "Icine cine nincetekela."—Kale.] Naucetekela ico! Kabiye, kibili leka Shikulu Lesa akulenge iwe uwaundapwa muli conse.

¹⁷³ Nombaline iwe waliba kano...waliba uwamwenso apakalamba, uwaumfwa ububi icne cine. Ukupitila mukumfwa umwenso waifi, ifumo lyobe lyaliba mumibele. Iwe ulafilwa ukufungaula ifyakulya fyobe; ukufileta mukanwa kobe. Cena caba ni asidi mukanwa kobe konse. Mukupwa kwa cungulo mucungulo kasuba, iwe uli uwanka nganshi kibili nafyonse. Walikwata ifilonda ifinono ifyamwifumo. Bushe iwe naucetekela ukuti ukuti Yesu Kristu kuti akweba ico? [Nkashi atila, "Ee."—Kale.] Kabiye nokulya icakulya cacungulo cobe, nomba. Cetekela no mutima obe onse, Yesu Kristu nakundapa iwe.

¹⁷⁴ Ulishani iwe? Muli iwe muli ifintu ifingi ifilubene. Lelo icintu cimo pafintu ifyo uletina iwe, uli nokulemana kubulwele bwakufimba amolu. Lelo bushe naucetekela ukutila Lesa kuti akundapa iwe, ukukulenga iwe ukuba umutuntulu ukufuma kuli bwena? [Nkashi atila, "Ee."—Kale.]

¹⁷⁵ Shikulu Yesu, Ine napepa ukutila Mwalafkilisha ico kuli nkashi yandi. Mumupele ena ukumona kwakwe. Mufumye ubwafya bwakwa namayo pali ena, kibili mupange nobulwele bwakufimba amolu bwino, mwi Shina lyakwa Yesu. Ameni.

¹⁷⁶ Kabiye nomba, naucetekela. Ena alecita ico, kibili cena calaba bwino. Witwishika, twalililapo fye ukwenda, kibili nokucetekela nomutima obe onse.

¹⁷⁷ Ubwafya bwa mutima cintu cimo icabipisha, lelo Kristu alondapa umutima. Bushe iwe wacetekela ico? [Nkashi atila, "Ee."—Kale.] Kabiye, naucetekela ico, kibili fyonse fyalacitwa. Cena nacipwa.

¹⁷⁸ Bushe iwe naucetekela ukutila iwe uli nokulemana? Iyo, Ine nshiletontonkanya ifyo, nangu cimo. Itontonkanyo lyandi, ukufimba amolu; cilya icinshingwa palya, oh, cena lipwalonda. Bushe iwe naucetekela Ena aleundapa ico? [Nkashi atila, "Ee, Nincetekela."—Kale.] Kabiye, naucetekela ico. Ena alakundapa.

¹⁷⁹ Cena caliba icakukusakamika iwe, cileke pakashita akanono, icaisalila mu mutima. Lelo bushe naucetekela ukutila cena calapwa, muno nshita yabushiku? Kabiye, naucetekela ico, Yesu Kristu akundapa.

¹⁸⁰ Bwena ukuba ubwafya bunono, ukufuma kubwafya bwabanamayo, pansiha iitali. Kibili nomba, iwe efyo uli, iwe ulakwata inshita iyakosa pakubuuka ulucelo. Ulakosa mufilundwa fyobe. Ulafileta nokwenda, ukufika namukasuba, akanshita. Bwena bwakufimba amolu. Kabiye, witwishika, tauli

nokukwata ubo ubulwele nakabili. Iwe uceteklefye, nomutima obe onse.

¹⁸¹ Iwe naukwata ifintu ifingi, amafya. Lelo icintu cimo icilekusakamika iwe ububi nganshi, naiwe ulatontonkanya abulwele ubwakufimba amolu, ubo epobwaba, bulakulenga iwe ukuba uwalemana. Bushe iwe naucetekela ukuti Ena alekulenga ukwenda nokundapwa? [Nkashi atila, “Ee, mukwai.”—Kale.] Kabiye, naucetekela no mutima obe onse, Yesu Kristu alakulenga ukuba uwaundapwa.

¹⁸² Umutima ukututuma, namolu ukufimba, lelo bushe iwe naucetekela ukutila Lesa alakundapa iwe? Naucetekela? Kabiye, kabi leka Shikulu Yesu akundape iwe.

¹⁸³ Ilyo ifumo icine cine lyalikupela ubwafya ubwingi mu myaka iyakulekelesha iinono, bushe tacaba ifyo? Yena tayali nokubapo nakabili. Kabiye, naucetekela ico. Lesa akupale. Ba uwaundapwa.

¹⁸⁴ Iwe kuti wacita, pamo, ifumo lyobe nalyundapa. Kabiye, naucetekela nomutima obe onse. Witwishika.

¹⁸⁵ Ulakwata inshita iyakosa pakupema, ubo bonse kufwasa kwacifuba icine cine bulakubweseshashe pansi, bushe teifyo? Bushe naucetekela ukutila nomba calacitwa? [Munyina atila, “Ee.”—Kale.] Nacilungama, kabiye naucetekela ico. Ameni.

¹⁸⁶ Alleluya! Bushe naucetekela nomutima obe onse?

¹⁸⁷ Pakashita fye akanono. Bushe tauleona u Lubuuto palya? We mukashana uwafita weuleolesha pali ine, wewikele pano, ena nakwata icamena kulubali lwakwe ulwa kukuso. Ena nakwata ubwafya bwalufyo, amafya. Iwe walikwata icicetekelo icikalamba. Iwe nga tawishile napano. Cena nacipwa. Cetekelafye cena. Ameni. Kwatafye icicetekelo muli Lesa!

Bushe naucetekela ico?

¹⁸⁸ Bushe naucetekela, nkashi, iwe ubo ubwafya bwamu mungololo bwalapwa, wewikele apo? Bushe naucetekela ukutila Ena alakulenga ukundapwa bwino? Bwino. Iwe witwishikafye ico, kabi iwe walakata ico nga cakutila wacetekelafye ico.

¹⁸⁹ Umwaume uwikele pano, uuleolesha pali ine, nakwata ubwafya bwepwalonda lyabwaume, ukulaima ima ubushiku nefintu. Bushe namucetekela, mukwai? Cena calapwa, nomba, nga cakutila iwe naucetekela ico.

¹⁹⁰ Pano pekele umwaume uwafita, aleolesha pali ine. Ena alelwala cipumputu. Ena pamo alefwaya ulubatisho lwa Mupashi wa Mushilo. Iminina pamolu yobe, mukwai, pokeleleni ubundapishi bwenu. Lekeni Lesa amipele ulubatisho lwa Mupashi wa Mushilo. Ameni.

¹⁹¹ Ukwikala ukufuma pali iwe, kuli umwana uwikele kulya, ulya naena alikwata cipumputu, uwakutila alafwa umutombo

nokufunta, ekele apo, uku kulubali lumbi. Bushe namucetekela ukutila Lesa alaundapa umwana, uko? Bushe naucetekela no mutima obe onse? Nomba Lesa alaundapa umwana.

¹⁹² Bushe imwe namucetekela, cila umo pakati kenu? Bushe—bushe Ena—bushe Ena icine cine tali u Lubuto ulwa Bufumu ulwakwa Abrahamu? Bushe Ena tali Kacimfyा uwamaka? Bushe Alilaya ukuti ali nokwikata impongolo shamulwani?

¹⁹³ Nibanga pali imwe abakakwa, abomfwa icakutitikisha icamulwani? Imyeniko amaboko yenu, ukutila imwe mulomfwa icakutitikisha icamulwani, kibili imwe muli Lubuto ulwakwa Abrahamu, imyemi amaboko yenu kwati *ngefi*. Watila “Munyina Branham, Ine ninsakamana nomwenso.” Oh, kuli abali eite pasenti muli imwe abakwete ico. Watila, Ine... Cena cilifye icatikama nomba, ibumba lyonse lilifye kwati mukaka uukalamba uwatikama, cena mupepi nokumpanga ine ukupofula, uko muli apopene pantu uli.

¹⁹⁴ Bushe imwe tamulemona, ukutila pano amakumi yabili nangu yatatu, limbi, kuti yaba amafya, nangu ukucilapo, pano pene pano pacintamba kibili namwibumba lilya, ukutila Lessa tafilewa? Cena ni Yesu Kristu uwaba cimo cine mailo, ileelo, no moyayaya. Bushe namucetekela ico? [Ulukuta Iwatila, “Ameni.”—Kale.] Nomba mulandu nshi, u Lubuto lonse ulwakwa Abrahamu, cinshi ico tamwinga bulila ulufungulo nomba? Kacimfyा mukalamba, uwa cimfishe ico ukucimfisha imwe, ali pano. Ena nashininkisha ukuba pano. Bushe imwe namu mucetekela Ena?

¹⁹⁵ Nomba buleni ulufungulo lwaci cetekelo cenu, fikeni namaboko yenu, nokutila, “mwe Yesu Kristu, Ine nincetekela pabundapishi bwandi, pali inoine inshita.” Imininako pamakasa yobe. Imyako amaboko yobe, isula icicetekelo cobe nomba. “utile Nacetekela, Shikulu Yesu. Ine nacetekela nombaline.”

¹⁹⁶ Nomba bikeni amaboko yenu pali umo no munankwe. Bikeni amaboko yenu pali umo no munankwe, u Lubuto lumbi ulwakwa Abrahamu. Nomba mupepele ulya muntu. Bikeni amaboko yenu pali bena. Yesu atile, “Ifi ifishibili fikabakonka abo abacetekela. Nga bena babika amaboko yabo pa balwele, bena bakapola.”

¹⁹⁷ Satana, iwe naulusa ubulwi. Mwi Shina lyakwa Yesu Kristu, fumamo muno, kibili lekeni aba bantu baleya, ku bukata bwakwa Lesa.



ICIKOLWE ABRAHAMU BEM64-0207
(The Patriarch Abraham)

Iyi Mbila na Munyina William Marrion Branham yaletelwe intendekelo mu Cingeleshi pali Cisano icungulo, Kabengele kakalamba 7, 1964, pa Kern County Fairgrounds mu Bakersfield, California, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org